

इवनिंग डोगरी न्यूज बुलेटिन

समे .18:15 Hrs

<><><><><><>

Headlines

1. सी.पी राधाकृष्णन होंरें अज्ज भारत द 15में उपराश्ट्रपति द तौरा पर सगंध चुक्की। प्रधानमन्त्री नरेंद्र मोदी होंरें उ'नेंगी मुबारकबाद दिद होई उन्द कामयाब कार्जकाल दी कामना कीती ऐ।
2. सेहत दिक्खभाल ढांचे गी तगड़ा बनाने दी इक बड्डी गेंह पुट्टदे होई जम्मू-कश्मीर सरकार केंद्र शासित प्रदेश च सेहत ढांचे दा दर्जा बधाने लेई 124 करोड़ 83 लक्ख रपे बागुजार कीते न।
3. श्री माता वङ्गो देवी जी दी जातरा औंदे ऐतवार थमां फही शुरू होग, श्राइन बोर्ड दे इस फसले दा शरदालुएं बड़ा मता सोआगत कीता ऐ।
4. मुख्ख सचिव अटल डुल्लू होंरें विधिए न्यास ते पार्लिमानी मामलें सरबंधी विभाग दिएं लोक केंद्रित सेवाएं आहली पहलकदमिएं दा इक उच्ची सतह दी बढक दरान जायजा लता।
5. जम्मू संभाग दे कई जिलें च कल्ल थमां फही बरखा बरने दे असार न, अज्ज जम्मू-श्रीनगर राश्ट्री जरनखी शिडका पर अज्ज दपहरी 12 बजे तोड़ी छड़ी हौली मोटर गड्डियें गी जम्मू बक्खी औने दी खुल्ल दिती गई।

<><><><><><>

VP-Swearing In

सी.पी राधाकृष्णन होंरें अज्ज भारत दे 15में उपराश्ट्रपति दे तौरा पर सगंध चुक्की। राश्ट्रपति द्रौपदी मुर्मू होंरें अज्ज राश्ट्रपति भवन च लोआए गेदे इक कार्जक्रम दरान राधाकृष्णन होंरें गी औहदे दी सगंध चुकाई। तमिलनाडू दे तिरूपुर च जन्मे दे सी.पी राधाकृष्णन होंरें इक विद्यार्थी नेता दे तौर पर अपनी सियासी जनतरा शुरू कीती ही। ओह आर.एस.एस जनेह संगठन च बी पूरी सक्रियता कन्न जुड़े दे रेह। तदुं थमां ग उनें सियासत दा इस्तेमाल लोकें दी सेवा लेई कीता। ओह कोयंबटूर थमां 2 बारी लोकसभा सांसद बी चुनोए दे न। तोआई, प्रधानमंत्री नरेंद्र मोदी होंरें उपराश्ट्रपति दे तौर पर सी.पी राधाकृष्णन हुंदे कामयाब कार्जकाल दी कामना कीती ऐ।

<><><><><><>

Itoo-Health

सेहत दिक्खभाल ढांचे गी तगड़ा बनाने दी इक बड़ी गैह पुट्टदे होई जम्मू-कश्मीर सरकार केंद्र शासित प्रदेश च सेहत ढांचे दा दर्जा बधाने लेई 124 करोड़ 83 लक्ख रपे बागुजार कीते न। सेहत मंत्री सकीना इतू होरें अज्ज सोशल मीडिया दी इक पोस्ट राहें एह जानकारी सांझी कीती। इस पछे कन्न गौरमेंट मेडिकल कालेज जम्मू च सी.टी स्कन मशीन, बारामुला, कठुआ ते रजौरी आहले जीएमसी अस्पतालें च एम.आर.आई मशीनां, जीएमसी डोडा च इक लब्रारटरी ते जीएमसी श्रीनगर च .. स्कन मशीन स्थापित करने दे कन्नो-कन्नी 80 टेलीमेडिसिन युनिटें गी तगड़ा बनाने दा कम्म बी कीता जाग। इतू होरें इब्बी आखेआ जे मुखमंत्री ओमर अब्दुल्ला होरें अपने बजट भाशण च इस गल्लदा भरोसा दोआया हा ते हून एकड़ी पहलकदमी समाज दे सब्भनें तबकें लेई म्यारी ते पुज्जत आहली सेहत सेवां उपलब्ध करोआने दी सरकार दी बचनबद्धता गी दर्शादी ऐ।

<><><><><><>

मौसम दा खराब सूरतहाल त जातरा मार्ग पर लोड़चदा रख-रखाव आहल कम्में दा चलदा आरजी तौरा पर रोकी गदी श्री माता वैशणो दबी जी दी जातरा औदा ऐतवारें 14 सितंबर थमा परतियें शुरू होन दी मद ऐ। उ'आ जातरा फही शुरू करन दा फैसला मौसम दा हालात गी दिखदा होई गै लैता जाग। आकाशवाणी जम्मू दा सबाददाता दी रिपोर्ट मूजब शरदालुए गी सलाह दिती गई ऐ वैद्य शनाखती कार् अपन कन्नै रक्खन, तय जातरा मार्ग पर गै अगग बदन त जमीनी सतह पर तैनात अमल कन्नै सहयोग करन। जात्रिए लई शुरू कीती गदी आर.एफ.आई.पी ट्रेकिंग प्रणाली अत लाजमी ऐ। शरदालु श्राइन बोर् दी अधिकारिक वबसाइट www.maavaishnodevi.org पर जाइयें बक्ख-बक्ख सबाए दा लाह लई सकदा न। तोआई, श्री माता वैशणो दबी जी दी जातरा अज्ज उप्परोतली 18में ध्याड़ बी बद्द रई। उ'आ किश शरदालुए औदा ऐतवार थमा जातरा फही शुरू करन दा फैसला पर बड़ी मती खुशी जतादा होई आखआ।

श्री माता वैशणो दबी श्राइन बोर् दा इस फैसला दा सोआगत करदा होई होटल त रस्टोरेंट एसोसिएशन कटड़ा दा प्रधान राक्श वजीर होरें आखआ।

<><><><><><>

Katra-Fresh Rain

तोआई, 14 सितंबर थमां परतियें शुरू होआ' रदी श्री माता वषणो देवी जी दी जातरा कोला पहले अज्ज कटड़ा ते एहदे कन्न लगदे इलाकें च इक बारी फही बरखा बरी ऐ। अधिकारियें मौसम दे

सूरतेहाल पर नेइमी तक्क बनाई दी ऐ ते इस गल्लदा भरोसा बी दोआया ऐ जे तीर्थ जातरा आहला रस्ता परतियाशुरू करने शा पहले सुरक्षा गी पहली तरजीह दिती जाग।

<><><><><><>

PHC-Chatroo Dispatch

जम्मू-कश्मीर च सेहत आहले खेतर च इक बड्डी उपलब्धि हासल होई ऐ कीजे किश्तवाड़ जिले च प्राथमिक सेहत केंद्र छातरू गी राश्ट्रीय सेहत प्रणाली संसाधन केंद्र आसेआ दिता गेआ ऐ। प्राथमिक सेहत केंद्र छातरू गी गुणवत्ता आहला एह सर्टिफिकेट 11 ते 12 अगस्त गी आंकलन करने लेई बाहरा आए दे पञ्जल दे आंकलन प्रक्रिया मगरा दिता गेआ ऐ जेदे च इस सेतह केंद्र न कुल 6 विभागों च प्रमाण ते गुणवत्ता आहले मानकें गी पूरा करदे होई 91 इशारिया 4-9 फीसद दा ओवरऑल स्कोर हासल कीता। इस बाराहोर जानकारी स्हाड़े जिला संवाददाता कोला।

<><><><><><>

JK BOSE Exams

जम्मू-कश्मीर स्कूली शिक्षा बोर्ड आसेआ 10मीं ते 11मीं जमात दे म्तेयान लछे दी बवस्था कल 13 सितंबर थमां फही शुरू होग। मतेयान देने आहले बच्चें गी एह सलाह दिती गेई ऐ जे ओह शिनाख्त लेई अपना दाखला कार्ड अपने कन्नपरकखन।

<><><><><><>

CS-CCS

मुख्य सचिव अटल डुल्लू होंरें विधि, न्यास ते पार्लिमानी मामलें सरबंधी विभाग दिएं लोक केंद्रित सेवाएं आहली पहलकदमिं बाराइक उच्ची सतह दी जायजा बठक दी प्रधानता कीती। बठक दरान जम्मू-कश्मीर दे बसनीकें दे लाह लेई इ'नें पहलकदमिं च अजें तोहड़ी हासल होई दी प्रगति ते इंदी बेल्लसिर अमल-आवरी जकीनी बनाने पर ध्यान केंद्रित कीता गेआ। मुख्य सचिव होंरें जारी कम्में पर संदोख बुज्जदे होई तय समें-सीमा दे अंदर-अंदर एकड़ी सेवाएं गी शुरू करने दी जरूरत पर जोर पाया। श्री डुल्लू होंरें आखेआ जे इस पहलकदमी दे तहत कनूनी सेवाएं दी दस्तयाबी च पारदर्शिता, पुज्ज ते दक्षता जकीनी बनोग ते बसनीकें गी बी सखल्ले जरूरी सेवाएं दा लाह मिली सकोग।

<><><><><><>

Weather

मौसम विभाग नै कल्लै थमा जम्मू-कश्मीर द किश जिले च दरम्यान दर्जे दी बरखा बरन दी पञ्चागोई कीती ऐ त किश थाहरें पर हल्की बरखा दी मद्द दस्सी ऐ। विभाग नै 14 थमा 17 सितंबर बश्कार किश थाहरें पर गरज-चमक हौली बरखा दी बी पञ्चागोई कीती गई ऐ।

<><><><><><>

Traffic

तोंआई जम्मू-श्रीनगर राष्ट्री जरनली सिड़क एन.एच-44 पर उधमपुर थरड़ इलाके च प्रभावित होए दे शिड़का दे हिस्से गी अजे बी पूरी चाल्ली बहाल नेई कीता जाई सके दा ऐ। अधिकारियें शिड़का दे इस हिस्से पर गारा ते तलहट होने दे चलदे हाल दी घड़ी बड्डी मोटर गड्डियें दी आओजाई रोकी दी ऐ। अज्ज श्रीनगर आहली बक्खी दा छड़ी हौली मोटर गड्डियें गी जम्मू औने दी खुल्ल दिती गई। तोआई, ऐतिहासिक मुगल रोड पर अज्ज हौली मोटर गड्डियें गी जम्मू थमां घाटी बक्खी जाने दी इजाजत दिती गई।

<><><><><><>
